

五



何氏濟生論卷五

京江何鎮培元甫纂集

再姪孫鳳翹紫庭節錄

卷五目次
內因雜症類

氣論

火症論

燥症論

附
秘結論

痰飲論

濕熱痰熱風熱論

鬱論

積聚論

虫論

蠱毒論

疸症論

三消論

怔忡論

健忘論

驚恐論



南京中醫藥大學
1954
南京中醫藥大學圖書館版權所有

悲論

附
怒論

附
太息論

不得臥論

多臥論

附
怠惰嗜臥論

癲狂癰論

夢遺滑精論

赤白濁論

淋症論

小便不通論

小便不禁論



南京中醫藥大學圖書館版權所有

悲論

傷寒論

雜論

金匱要略

八節

何氏濟生論卷五

其氣論

經云諸痛皆因于氣百病皆因于氣怒則氣上喜則氣緩悲則氣消恐則氣下寒則氣收熱則氣泄驚則氣亂勞則氣耗思則氣結此九氣之不同也天地之氣常則安變則風雨而人生稟天地之氣常則順變則病生是以聖人蓄氣如持至寶庸人役氣反傷太和此軒岐所以論諸痛皆因于氣百病皆生于氣遂有九氣不同之說也丹溪云冷氣滯氣逆氣皆是肺

受火邪氣得上炎之火有升無降熏蒸清道甚而轉
成劇病若用辛香燥熱之劑以火濟火咎將誰歸又
如氣無補法之說世俗之謬也以其爲病痞悶壅塞
似難于補獨不思正氣虛者不能運行邪滯致邪滯
着而不出所以爲病經曰壯者氣行則愈怯者氣不
行而成病苟或氣怯而不用補法氣何由行乎氣屬
陽無寒理氣有餘便是火冷生氣乃高陽生之謬言
也其有冷氣從下升者非真冷也盖上升之氣自肝
而出中夾相火其熱爲甚火極似水陽亢陰也學者

審之

歌括

運行不息真元氣出自中焦統屬肺外護皮毛內導
血冲和百肺名爲衛七情六欲有所干清者行而濁
者滯擾亂妄動失其常腫悶壅塞從茲致局方治氣
多辛溫往往流傳千古弊至我丹溪一發明凡氣有
餘從火治氣變火症常八九冷生氣者無一二氣虛
氣實細斟量勿泥辛香峻削劑

氣症選方



正氣天香散

治九氣

烏藥 二兩

香附 八兩

陳皮

蘇葉 乾薑 一兩

爲末每服一錢鹽湯調服

四七湯

治喜怒憂思悲恐驚之氣結成痰涎或如梅核
在咽喉之間咯不出咽不入此七情所致也中
脘痞滿或痰飲嘔逆惡心

半夏

湯泡五次
一錢五分

茯苓

一錢
五分

蘇葉

六分

厚朴

姜製
五分

姜七片紅棗二枚不拘時服

美士以孫聚二外不師執照

補藥

六食

軍

休

平

夏

一

海

一



南京中醫藥大學圖書館版權所有

火症論

夫火何自而起乎氣之不得其平者爲之也五藏六腑皆有其氣氣得其平則榮衛冲和藏腑舒暢何火之有苟一經之氣失其常度則必冲逆擊搏乖膈沉滯此火之所由起也火在諸經或一經之自病或別經之見剋或二經之遺病或數經之合病然而有虛火相火實火燥火濕火鬱火猛烈之火無名之火之不同皆不可不知也常見忿懣生肝火憂慮生肺火焦思生心火勞倦生脾火思想無窮生腎火此五者

皆本經之自病也本經自病則治在本經尤防別經之相剋心火太甚必剋肺金清肅之令衰矣肺火太甚必剋肝木發生之氣痿矣肝火太甚必剋脾土化生之源隳矣脾火太甚必剋腎水津液之源涸矣腎火太甚反剋心火君主之官奪矣此五者別經之相剋也別經之相剋則治在別經尤加究本經之藥其二經之遺者何也如肺有火咳嗽日久必遺熱于大腸則成泄滯脾有火口渴作甘必遺熱于胃則成脹滿心有火炎灼日久必遺熱于小腸則成小便淋秘

肝有火脇痛日久必遺熱于胆則成汁溢而口苦腎
有火盜汗遺精必遺熱于膀胱則成白淫淋瀝此則
治在藏而腑病自消焉又或有數經之合病端緒難
尋攻補未易當擇其尤者而切治之審其先發者而
耑攻之或上病而下取之如目病赤腫大痛用防風
通聖散倍加硝黃以瀉下焦之熱是也或下病而上
取之如下焦寒瀉灸百會穴以舉散下焦之寒是也
此精微之理非深造者莫之能悟焉所謂實火者何
心火燔灼胃火助之而元氣未損真精未虧或醇醪

之蘊熱或暴熱之外侵目赤咽乾喉痛胸滿氣急宜
正治之所謂祛熱不遠寒者是也如黃連鮮毒白虎
天水導赤左金瀉白承氣等劑皆瀉實火當察經而
選用之中病卽止毋過劑以損其真陽所謂虛火者
何東垣云飲食所傷勞倦所損或氣高而喘或身熱
而煩或脉洪大而頭痛或口發渴而身熱症象白虎
但脉虛而不長也以實火治之立殞以甘溫補其中
兼甘寒以瀉其火則愈故立補中益氣湯以補之調
中益氣湯以調之當歸活血湯以養之又有相火焉

火
主不特入腎
益陰之火自內

相火原無定位寄于肝腎之間乃下焦胞絡之火元
氣之賊也相火一動便上肝膈入肺中循喉龍燥舌
本令人身熱咳嗽咯血遺精肌肉消爍此龍雷之火
非芩連梔子硝石所能治必如河間所謂養血益陰
其熱自退丹溪所謂滋陰則火降王冰所謂壯水之
主以制陽光乃救本之法所以深治之也又有燥火
焉燥火起于血衰血衰則榮衛澁滯臟腑不潤腸胃
行遲大小便秘斯時也芩連梔柏百劑無補必也其
潤之乎急則治其標通幽湯八正散潤腸丸潤之干

猛烈之火自內
生不得混入實
火

先緩則治其本四物湯桃仁火麻仁郁李仁白砂蜜
潤之于後庶幾血可生燥可澤而病可痊矣又有濕
火焉濕生乎熱熱生乎濕濕熱相生多成脹滿或痿
與鼓從而生焉故有大便久秘及更衣則又澹甚此
何以故蓋熱在腸胃之外故秘濕在腸胃之中故澹
宜用東垣勝濕湯重加苓連少加五苓并二妙香連
之類斯濕熱兼治之矣又有猛烈之火焉丹溪所謂
火盛不可驟用寒涼須以生甘草兼瀉兼緩以和之
蓋恐撲之而愈張抑之而愈揚惟和以養之則猖狂